

چند حکایات

مشقّت جلیله اسلامیه نکت جریده رسیه پیدر

ربیع الاول ۱۳۳۶

عدد: ۳۴

آیة بر نشر اول نور

در دینی سنہ

مجلس اعیانک عریضه جوابیه سی

شوکت‌آب افندمن

حضور شوکت‌نور ملکه‌داریلرله کشادینه موفیق الویره‌ن دوره حاضره اجتماعیه‌نک متفق اردولرمزه شان ومفخرت‌لر تأمین ایدن مهم برآن تاریخی‌یه تصادف ایتمه‌سی نصرت وعنایت آلپیه‌نک بر تجلی نوینی اولمغله بوندن دولای هیئت عیدانه‌من بارگاه رب‌متعاله عرض تحمیدات وعز خطاب شهریاریلرینه مظهریت وسیله‌سیله ده عتبه سنیه تاجداریلرینه رفع تکریمات وتشکرات ایده‌ر .

دشمنلرمزک اوج سنه‌دن بری اوغرادقلری هزیم‌تلره رغماً اک جسم مقیاسده تدارکات ایله اتفاق‌لرک عزم پولادینی بر دها تجربه‌یه قرار ویردک‌لری بو دردنجی سنه‌ده بدایه شرق وغرب جبهه‌لرنده و اخیراً ایتالیا دارالحربنده دوچار اولدقلری مغلوبیتلر عنایت حقه اعتماد وسونکولرینه استناد ایدن قوتلرمزک هنوز پای استیلا آلتنده ساعت استخلاصی بکله‌ین سوکیلی طوپراقلرمزه ده فیض رها کاریله یتیشه‌جکی امیدینی تقویه ایتکده ودولتمزک حاکمیت واستقلالیه پک یاقیندن علاقه‌دار اولان بو امنیه‌نک حصولی ایچون اردوی هایونلریله برلکده صادق ومتفق سلاح آرقداشلرینک ده هیچ برفداکارلقدن چکنیه‌جک‌لری هیئت بندکانه‌منزجه قویاً مأمول بولونمقده‌در .

نطق هایون ملوکانه‌لرنده بیان بویوریلان اسبابه بناءشمالی آمریکا حکومتات متحده‌سی طرفندن متقصر آلمانیا دولته اعلان حرب ایدلمسی اوزرینه حکومت سنیه‌لرینک ده بحسب الاتفاق حکومتات متحده مذکوره ایله قطع مناسبات ایله‌می امور طبعیه‌دندر . یونانستانده جریان ایدن وقوعات حقوق دول احکامی آنجق کندی امل ومنفعتلرینه کوره قبول وتطبیق ایدن ائتلاف دولتلرینک تضییقات وتجاوزاتندن متولد وبدایه سفیرلرمزی یونان طوپراغندن جبراً چقارمقله باشلایان بو تضییقاتک یونان ملتی اوزرنده رفته رفته تزیید اولونه‌رق نهایت تحت حکمداری‌یده ایصال ایدلمسی آتنده بر حکومت مشروعه‌دن زیاده بر تحکم سیاسی حکمران اولدینی مؤید بولمسنه

نظراً هیئت عاجزانه من کرک بو حادثاته، کرک اخیراً واقع اولان انقطاع مناسباته بوندن باشقه بر ماهیت سیاسیة عطف ایتماکده در . فجایع حربہ خاتمه ویرمک وانسانیتی پک محتاج اولدینی حضور ومسالته ایصال ایله مک مقصدیله پاپا حضرتلری طرفندن واقع اولان صلح تکلیفی یالکز حقنی مدافعه وحدود ملک واستقلالنی محافظه غایه سنی تعقیب ایدن دولتمزک مسالک مسالمت پرورینه اساساً موافق اولقله نطق هایون شاهانه لرنده اشارت بو یورلدینی اوزره موجودیتیزی وبالجمله ملکمز اوزرنده کی حقوق استقلال وحاکمیتیزی مطلق وقطعی صورتده محافظه وسربستی^۱ انکشافیزی هر درلو تأثیرات ومداخلاتندن آزاده اولارق تأمین ایتمک اساساتی دائره سنده مارالعرض صلح تکلیفک حکومت سنیله رنجہ قبول ایدلش اولسی باعث ممنونیتدر . فی الحقیقه هائله حاضره یی انسال مستقبله نک بنیان حیاتنه قصد ایتمه دن اول دوردورمغه چالیشمق بر امر متحم اولدیغندن اساسات معروضه سیاسیة مزک تمامی^۲ محفوظیتی دائماً کوز اوکنده طوطولقی شرطیله حکومتیزی صلح ومسالمت عمومیه نک عامل وپیشوالری اراسنده کورمک امال ملیه مزده توافقی ایدر . مع مافیه عثمانلیلک نجابت موروثه سندن ملهم اولان بو امل مسالمتکارانه موقع حصوله چیه بیلیمک ایچون اگر دشمنلرمن حربک دوامی فکر انسانیت شکنانه سنده عناد ایدرلر سه حقه توکل ایدره رک طریق سعی وفداکاریده صوکه قدر دوام ایتمه من ضروری وطبیعیدر .

دول متفقہ ایله مناسبات سیاسیة من مزاید بر صمیمیت ومودت ومتقابل بر اعتماد وامنیته دوام ایتمکده اولدینی حقنده کی تأمینات شاهانه لری شایان شکران کورولدیکی کی ذات شوکتسات شهریاریلرینک صادق ومعظم متفقلری وعثمانلیلک قدیم وصمیمی محبی حشمتلو آلمانیا امپراطوری حضرتلرینک پای تحت سلطنت وخلافی زیارتلری ده ایکی حکومت آره سنده کی اتفاق سیاسینک ساحه ملیده پک صمیمی وخالص تظاهراتنه وشان میدانلرنده دوکولن مشترک قانلرک استهداف ایتدیکی مشترک ومتحد غایه یی تأیید وتوثیقه وسیله تشکیل ایتمش اولقله حقیقه^۳ پک قیمتداردر .

بی طرف دولترلره مناسباتمزک کافی السابق دوستانه وخالصانه دوامی سزاوارشکران وآرزودر . ایران دولت اسلامیه سنک بالجمله اراضیسی اوزرنده استقلال تام دائره سنده

اعتلا وانكشافى مقام معلاى خلافته موافق بر سياست اولقله بو سياستى ايكي مملكت
ايچون اك خيرلى شكل و صورتده تطبيقه چاليشمق جدا شايدان تمندر .

حربك حيات اقتصاديه ده كي تاثيرات عميقيه سنى تخفيف وانكشافات آتيمزى تامين
مقصديله حكومتجه ايجاب ايدن تدابير توصل اولوندينى اراده و بيان بويورلش اولوب
فى الواقع حربى تعقيب ايدمك سئلرك ايجابات واحتياجاتنه شمديدن چاره ساز اولمق
چاليشمق لوازم بصيرت وحكمندن ايسه ده حالا ياپيله جق شى معيشتك تهونى اسبابى
استكمال ايتك اولديغندن هيئت اعيان بو دقيقه معتنبا حقنده بالخاصه قوه اجرائيه مك
نظر دقتى جلب ايدر .

عهده سنه ترتيب ايدن وظيفه يي تبينات وارشادات سنيه لرى دائره سنده ايفايه مسارعدن
خالى قلميه جق اولان هيئت بندگانمىز بو دوره اجتماعيه ظرفنده دخى توديع ايديله جك
لوايح قانونيه يي لايق اولدقلى اهميت وسرعتله تدقيق ايدمك جكنى عرض ايدر ومحافظه
ملك ودولت اوغرينه فداى حيات ايتش اولان شهدامى ارواح مباركه سنه فاتحه لر وحالا
آثار حماسه ليله تاريخمزه شانلى منقبه لر علاوه ايدن اردوى هايونلرى اركان وافرادينه
تبريك وتشكرلر اتحاف وعهد همايونلرى ملتىز ايچون نيجه نيجه ترقيات وتكميلات
مصدر اولسى تمنيات خالصه سنى ازدياد ايام عمر وعافيت ودوام سلطنت وشوكت خلافتينا
هيلرى دعاسنه ترديفاً بارگاه احديته رفع واعلا ايلر .

